

**ԱՐՏԱՔԻՆ ԿԱՊԵՐԻ ԲԱԺՆԻ ՀԱՇՎԵՏՎՈՒԹՅՈՒՆ**  
**2021-2022 ՈՒՍԱՐԻ**

Ավանդական բժշկության համալսարանի Արտաքին կապերի բաժինը (այսուհետ նաև արտաքին կապերի բաժին) համալսարանի միջազգայնացմանը նպաստող ենթակառուցվածք է, որը գործում է Հայաստանի Հանրապետության օրենսդրության համապատասխան, ԱԲՀ-ի և Արտաքին կապերի բաժնի կանոնակարգի հիման վրա:

Արտաքին կապերի բաժնի աշխատանքներն իրականացնում են բաժնի վարիչը և բաժնի առաջատար մասնագետը՝ ռեկտորի և համալսարանի ստորաբաժանումների հետ համատեղ:

Արտաքին կապերի բաժնի հիմնական նպատակն է ապահովել համագործակցությունը ներպետական և օտարերկրյա ուսումնական հաստատությունների և գիտական կենտրոնների միջև, ընդլայնել միջազգային համագործակցությունը, նպաստել ուսանողների և պրոֆեսորադասախոսական կազմի փոխանակման ծրագրերին, համալսարանի և միջազգային այլ կառույցների միջև մշտական կապի ամրապնդմանն ու համագործակցության զարգացմանը, այլ երկրներից ուսանողների ներգրավմանն ու երկրների աշխարհագրության մեծացմանը:

**1. ԱԲՀ ուսանողների ընդունելություն և հրամանագրում**

**1.1.** Մայիս-հունիս ամիսներին բաժնի կողմից կատարվել է օտարերկրյա դիմորդների ընդունելության փաստաթղթերի և չափորոշիչների նախապատրաստում:

**1.2.** ՀՀ ԿԳՄՍՆ կողմից սահմանված ժամկետներում (05.07.2021-15.10.2021) կատարվել է դիմորդների անձնական դիմումների ու գործերի ուսումնասիրում և ներկայացում ՀՀ ԿԳՄՍՆ՝ փորձաքննության: Ըստ ՀՀ ԿԳՄՍՆ-ի կողմից ներկայացված 20. 10. 2021 N27/15.2/23926-2021 գրության և ՀՀ կրթության, գիտության, մշակույթի և սպորտի նախարարի կողմից ընդունված 2021 թվականի հոկտեմբերի 19-ի N1712-Ա/2 հրամանի՝ վճարովի առկա ուսուցմամբ բակալավրի ու անընդհատ և ինտեգրացված կրթական ծրագրերով ընդունելության համար օտարերկրացիների և սփյուռքահայերի փաստաթղթերի ընդունման ժամկետը երկարաձգվեց և վերջնաժամկետ սահմանվեց 2021 թվականի նոյեմբերի 30-ը, որի ընթացքում համալսարանի կողմից ևս մի քանի դիմորդների փաստաթղթեր են ներկայացվել ԿԳՄՍՆ:

**1.3.** Ուսումնական մասի վարիչի և Դեկանի հետ համատեղ կատարվել է օտարերկրյա դիմորդների ընդունելության հանձնաժողովի կազմի ընտրություն և հրամանագրում:

**1.4.** Հոկտեմբեր-դեկտեմբեր ամիսներին կատարվել է ՀՀ ԿԳՄՍՆ համապատասխան հրահանգների հիման վրա ուսանողների հրամանագրում:

**1.5.** Դեկտեմբերին կատարվել է համալսարանի օտարերկրյա ուսանողների ընդունելության արդյունքների հաստատում՝ Ուսումնական մասի վարիչի և Դեկանի հետ համատեղ:

**1.6.** Արտաքին կապերի բաժնի հիմնական գործառույթներից է նաև օտարերկրյա ուսանողների ժամանակավոր կացության քարտերի կազմակերպման գործընթացը, որի համար բաժինը համագործակցում է ՀՀ Անձնագրային և վիզաների վարչության

Կենտրոնական անձնագրային բաժանմունքի հետ: Կացության քարտերի հետ կապված աշխատանքը կատարվել է 2021թ. սեպտեմբեր–նոյեմբեր և 2022թ. փետրվար–մարտ ամիսներին՝ ուսանողներին բուհ հրամանագրելուց և ՀՀ ԿԳՄՄՆ հաստատումը ստանալուց հետո: Բաժնի կողմից պատրաստվել են անհրաժեշտ փաստաթղթեր և ներկայացվել են ՀՀ ԿԳՄՄՆ, ինչպես նաև ՀՀ անձնագրային և վիզաների վարչություն: 2021-2022 ուսումնական տարում կատարվել է նաև արդեն ԱԲՀ ուսանող հանդիսացող ուսանողների ժամանակավոր կացության քարտերի վերաձևակերպում:

## **2. Օտարերկրյա ուսանողների ներգրավման գործընթացը**

**2.1.** Արտաքին կապերի բաժինը համագործակցում է ուսանողների ներգրավմամբ զբաղվող օտարերկրյա կազմակերպությունների հետ (Campus International, Study Medicine Europe և այլն):

**2.2.** Ուսանողների հավաքագրումը կատարվել է նաև անմիջապես բաժնի կողմից՝ արտերկրներից ստացվող անհատական դիմումների հիման վրա: Ուսանողների ներգրավումը համալսարանի կրթական գործընթացին իրականացվել է համաձայն ՀՀ Կրթության, գիտության, մշակույթի և սպորտի նախարարության, ինչպես նաև ՀՀ Արտաքին գործերի նախարարության կողմից մշակված կարգերի համաձայն:

**2.3.** Արտաքին կապերի բաժինը արտահամալսարանական կառույցների հետ գտնվելով մշտական կապի մեջ (Էլեկտրոնային, հեռախոսային և այլն)՝ նրանց պարբերաբար տեղեկացրել է ընդունելության կարգի մեջ կատարվող փոփոխությունների մասին, ինչպես նաև նրանց ցուցաբերել է անհրաժեշտ խորհրդատվություն, տեղեկատվություն և աջակցություն ամբողջ տարվա աշխատանքի ընթացքում:

**2.4.** Դիմորդների դիմումները/ հայտերը ներկայացվել են համալսարանի պաշտոնական կամ Արտաքին կապերի բաժնի էլեկտրոնային հասցեներին: Բաժնի կողմից նախնական փուլում ճշտվել է դիմորդի քաղաքացիությունը/անձնագրային տվյալները և միջնակարգ/բարձրագույն կրթության վկայականի/այլ վկայականների առկայությունը, ներկայացվել են համալսարանի կողմից առաջարկվող ծառայությունները, առավելություններն ու հնարավորությունները:

**2.6.** Ուսանողների հավաքագրման գործընթացն իրականացվել է ողջ տարվա ընթացքում:

**2.7.** Արտաքին կապերի բաժինը աշխատել է ՀՀ Արտաքին գործերի նախարարության հետ՝ օտարերկրյա քաղաքացիներին մուտքի արտոնագիր տրամադրելու համար, կատարել է հարցումներ և ստացել պարզաբանումներ:


**3.** Տարվա ընթացքում Արտաքին կապերի բաժնի վարիչը, ըստ անհրաժեշտության, պատրաստել և ներկայացրել է հաշվետու տեղեկանքներ ԱԲՀ ռեկտորին, ՀՀ ԿԳՄՄՆ ստորաբաժանումներ և այլն: Ինչպես նաև 2021-2022 ուստարում Արտաքին կապերի բաժնի վարիչը պատրաստել է թվով **6** արձանագրություն, որը պահվում է բաժնի առօրյա գործերում:

**4.** Արտաքին կապերի բաժինը բոլոր ստորաբաժանումների հետ միասին մասնակցել է ուսանողների հետ տարվող աշխատանքներին՝ հանդես գալով որպես համակարգող օղակ ուսանողների և համալսարանի ստորաբաժանումների միջև: Տարվա ընթացքում դեկանի, Ուսումնական մասի վարիչի, դասախոսների հետ միասին իրականացվել են հանդիպումներ,



ժողովներ ուսանողների հետ՝ կարգապահական, ակադեմիական առաջադիմության և այլ հարցերի վերաբերյալ:

Բաժինը աջակցել է օտարերկրյա ուսանողներին ինչպես կրթական, այնպես էլ իրավական, առօրեական և այլ հարցերում՝ ստեղծելով հնարավորինս բարենպաստ պայմաններ ուսանողների համար: Ամբողջ տարվա ընթացքում ակտիվ կապ է պահպանվել ուսանողների և նրանց ծնողների հետ սոցիալական ցանցերի, էլեկտրոնային հաղորդագրության և հեռախոսակապի միջոցով և նրանց հարցերին տրվել է օպերատիվ լուծում: Բաժինը նաև համագործակցել է համալսարանի ստորաբաժանումների հետ՝ ուսանողների հաճախելիության ու առաջադիմության հետ կապված հարցերի վերաբերյալ:

5. 2021-2022 ուսումնական տարում նկատվեց դիմորդների թվի որոշակի աճ: Ամփոփելով ընդունելության արդյունքները՝ կարող ենք փաստել, որ համեմատած 2020-2021 ուստարվա հետ՝ 2021-2022 ուստարում առաջին կուրս ընդունվող ուսանողների թիվը աճել է **15%**-ով: Ստորև դիագրամի տեսքով ներկայացնենք 2021-2022 ուստարվա ուսանողների ընդունելության արդյունքները համեմատած 2020-2021 ուստարվա հետ:



Ստորև դիագրամի տեսքով ներկայացնենք նաև 2020-2021 և 2021-2022 ուստարիների ուսանողների ընդունելության արդյունքները ըստ երկրների:



✚ 2021-2022 ուստարվա աշնանային կիսամյակում Ավանդական բժշկության համալսարան է տեղափոխվել 9 օտարերկրյա ուսանող՝

- Բուժական ֆակուլտետ III կուրս՝ 1 (Հնդկաստան)
- Ստոմատոլոգիական ֆակուլտետ II կուրս՝ 1 (Հորդանան)
- Ստոմատոլոգիական ֆակուլտետ III կուրս՝ 2 (Իրան)
- Ստոմատոլոգիական ֆակուլտետ IV կուրս՝ 5 (Ուկրաինա՝ 1, Հորդանան՝ 2, Իրան՝ 2)

✚ 2021-2022 ուստարվա գարնանային կիսամյակում Ավանդական բժշկության համալսարան է տեղափոխվել 113 օտարերկրյա ուսանող՝

- Բուժական ֆակուլտետ II կուրս՝ 7 (Հնդկաստան)

- *Բուժական ֆակուլտետ III կուրս՝ 14 (Հնդկաստան՝ 12, Հորդանան՝ 2)*
- *Բուժական ֆակուլտետ IV կուրս՝ 16 (Հնդկաստան՝ 14, Հորդանան՝ 1, Իրան՝ 1)*
- *Բուժական ֆակուլտետ V կուրս՝ 27 (Հնդկաստան՝ 26, Գանա՝ 1)*
- *Բուժական ֆակուլտետ VI կուրս՝ 46 (Հնդկաստան)*
- *Ստոմատոլոգիական ֆակուլտետ II կուրս՝ 1 (Հորդանան)*
- *Ստոմատոլոգիական ֆակուլտետ IV կուրս՝ 2 (Իրան)*

🇺🇦 *2021-2022 ուստարվա աշնանային կիսամյակում վերականգնվել են 2 օտարերկրյա ուսանող՝*

- *Բուժական ֆակուլտետ II կուրս՝ 1 (Հնդկաստան)*
- *Բուժական ֆակուլտետ V կուրս՝ 1 (Իրաք)*

Ներկայացնենք «Բուժական գործ» և «Ստոմատոլոգիա» մասնագիտությունների առաջին կուրս ընդունված և հրամանագրված, ինչպես նաև համապատասխան կուրս փոխադրված օտարերկրյա և սփյուռքահայ ուսանողների ընդհանուր քանակը 2021-2022 ուստարվա սկզբին՝ ըստ երկրների և սեռի:

### **Բուժական ֆակուլտետ**

<b>Կուրս</b>	<b>Ընդամենը</b>	<b>Սեռ</b>	<b>Երկիր</b>
I	83	33 իգ. 50 ար.	Հնդկաստան-70 Իրան-2 Հորդանան-11
II	50	27 իգ. 23 ար.	Հնդկաստան-40 Իրան-3 Մեծ Բրիտանիա-2 Շվեդիա-1 Հորդանան-4
III	86	45 իգ. 41 ար.	Հնդկաստան-82 Մեծ Բրիտանիա-1 Ֆիլիպիններ-2 Իրաք-1
IV	65	31 իգ. 34 ար.	Հնդկաստան-44 Մեծ Բրիտանիա-12 Իրաք-4 Իռլանդիա-2 Շվեդիա-1 Շրի Լանկա-1 Հորդանան-1

V	43	22 իգ. 21 ար.	Հնդկաստան-34 Իրաք-7 Մեծ Բրիտանիա-1 Հորդանան-1
VI	20	6 իգ. 14 ար.	Իրաք-13 Հնդկաստան-6 Հորդանան-1
<b>Ընդամենը</b>	347	164 իգ. 183 ար.	Հնդկաստան-276 Իրաք-25 Մեծ Բրիտանիա-16 Հորդանան-18 Իրան-5 Շվեդիա-2 Իռլանդիա-2 Ֆիլիպիններ-2 Շրի Լանկա-1

### Ստոմատոլոգիական ֆակուլտետ

Կուրս	Ընդամենը	Մեռ	Երկիր	
I	14	4 իգ. 10 ար.	Իրան-8 Հորդանան-5 Վանուատու-1	
II	14	3 իգ. 11 ար.	Իրան-4 Հորդանան-5 Հնդկաստան-2	Իրաք-1 Ռուսաստան-1 Մեծ Բրիտանիա-1
III	3	1 իգ. 2 ար.	Իրաք-1 Հորդանան-1 Եգիպտոս-1	
IV	8	2 իգ. 6 ար.	Իրաք-5 Իրան-2	Գերմանիա-1
V	13	3 իգ. 10 ար.	Իրաք-9 Իրան-2 Հորդանան-2	
<b>Ընդամենը</b>	52	13 իգ. 39 ար.	Իրաք-16 Իրան-16 Հորդանան-13 Մեծ Բրիտանիա-1 Վանուատու-1	Հնդկաստան-2 Ռուսաստան-1 Գերմանիա-1 Եգիպտոս-1

**Բուժական ֆակուլտետ և Ստոմատոլոգիական ֆակուլտետ**

<b>N</b>	<b>Երկիր</b>	<b>Քանակ</b>	<b>Սեռ</b>
1.	Հնդկաստան	278	177 իգ. 222 ար.
2.	Իրաք	41	
3.	Մեծ Բրիտանիա	17	
4.	Հորդանան	31	
5.	Իրան	21	
6.	Ֆիլիպիններ	2	
7.	Իռլանդիա	2	
8.	Շվեդիա	2	
9.	Շրի Լանկա	1	
10.	Գերմանիա	1	
11.	Ռուսաստան	1	
12.	Եգիպտոս	1	
13.	Վանուատու	1	
<b>Ընդամենը</b>		<b>399</b>	

6. Նոյեմբերի 16-ին Ավանդական բժշկության համալսարանը հյուրընկալեց Բելառուսի Հանրապետության Գրոդնոյի պետական բժշկական համալսարանի ներկայացուցիչներին նույն համալսարանի «Նորմալ ֆիզիոլոգիայի» ամբիոնի վարիչ Վիկտոր Զինչուկի գլխավորությամբ՝ ծանոթանալու համալսարանի պայմաններին, կրթական միջավայրին և առաքելությանը, քննարկելու երկու համալսարանների միջև հնարավոր համագործակցության ծրագրեր:

Ավանդական բժշկության համալսարանի ռեկտոր Ն. Սարիբեկյանը համառոտ ներկայացրեց համալսարանի պատմությունը, ֆակուլտետների կառուցվածքը, գործունեությունը, իրականացված կրթական բարեփոխումներն ու համալսարանական կյանքը: Բելառուսի Հանրապետության Գրոդնոյի պետական բժշկական համալսարանի «Նորմալ ֆիզիոլոգիայի» ամբիոնի վարիչ Վիկտոր Զինչուկը ևս հակիրճ տեղեկատվություն տրամադրեց իրենց համալսարանի գործունեության մասին:

Հանդիպման ընթացքում ստորագրվեց կրթության և գիտության ոլորտի շրջանակներում համագործակցության համաձայնագիր: Առաջիկայում նախատեսվում է պրոֆեսորադասախոսական անձնակազմի, այդ թվում նաև գիտաշխատողների վերապատրաստումներ, ինչպես նաև համատեղ կոնֆերանսների, սեմինարների, սիմպոզիումների կազմակերպում, ուսանողների փոխանակում, մասնագիտական պրակտիկաների անցկացում:

Բացի վերոնշյալ կետերից հավելենք նաև, որ Ավանդական բժշկության համալսարանի և Բելառուսի Հանրապետության Գրողնոյի պետական բժշկական համալսարանի միջև կնքված պայմանագրով նախատեսվում է նաև համատեղ հետազոտական նախագծերի իրականացում, մասնագիտական կրթական համակարգի զարգացման նորարարական մոդելների մշակում (ըստ ժամանակացույցի) և այլն:

ԱԲՀ Գիտական խորհրդի որոշմամբ Բելառուսի Գրողնոյի պետական բժշկական համալսարանի «Նորմալ ֆիզիոլոգիայի» ամբիոնի վարիչ Վիկտոր Զինչուկին շնորհվեց պատվավոր պրոֆեսորի կոչում:

Հյուրերը բարձր գնահատեցին ԱԲՀ-ի գործունեությունը և գոհունակություն հայտնեցին ճանաչողական այցի կապակցությամբ (Արձանագրություն № 1):

7. Դեկտեմբերի 19-ին «Փարավոն» ռեստորանային համալիրում տեղի ունեցավ Ավանդական բժշկության համալսարանի 30-ամյակին նվիրված հոբելյանական միջոցառումը:

Ներկաների թվում էին Իրանի և Իրաքի դեսպանատների ներկայացուցիչներ, Հայաստանում գործող հնդկական տարբեր կրթական կազմակերպությունների անդամներ, կրթության ոլորտի մի շարք ներկայացուցիչներ, այդ թվում՝ Խ. Աբովյանի անվան մանկավարժական համալսարանի Գիտահետազոտական կենտրոնի ղեկավար, հ.գ. դոկտոր, պրոֆեսոր և ԱԲՀ Ստոմատոլոգիական ֆակուլտետի նախկին ղեկան Կամո Վարդանյանը, «Campus International» կենտրոնի հիմնադիր նախագահ Աշոկ Կարուվարաթոդին, Գլաձոր համալսարանի ռեկտոր, ի.գ. դոկտոր, պրոֆեսոր Ժորա Ջհանգիրյանը, Ակադեմիական փոխճանաչման և շարժունության ազգային տեղեկատվական կենտրոնի տնօրեն Գայանե Հարությունյանը, ԵՊՀ Իջևանի մասնաճյուղի ռեկտոր, ԵՊՀ Իջևանի մասնաճյուղի ռեկտոր, ֆ.գ.թ., դոցենտ Անուշավան Մակարյանը, մի շարք երկրների դիվանագետներ, վարչական և պրոֆեսորադասախոսական անձնակազմի աշխատակիցներ, ուսանողներ և այլոք:

Միջոցառման սկզբում ներկաներն ոտնկայս իրենց հարգանքի տուրքը մատուցեցին 44-օրյա պատերազմի ժամանակ զոհված մեր հայրենակիցների հիշատակին:

Իրենց ողջույնի խոսքով և շնորհավորանքներով ելույթ ունեցան ԱԲՀ ղեկան Անահիտ Կարապետյանը, Որակի ապահովման և կրթական ծրագրերի գծով պրոռեկտոր Արսեն Մինասյանը և Գլաձոր համալսարանի ռեկտոր, ի.գ. դոկտոր, պրոֆեսոր Ժորա Ջհանգիրյանը, Իրաքի դեսպանատան ներկայացուցիչները և ԱԲՀ-ի մի շարք դասախոսներ:

Երեկույթի ընթացքում երկարատև, բարեխիղճ և անբասիր աշխատանքի համար պարգևատրվեցին համալսարանի մի շարք աշխատակիցներ:

Պարգևատրումներից անմասն չմնացին նաև ԱԲՀ-ի լավագույն ուսանողներն (*բուժական ֆակուլտետի 3-րդ կուրսի ուսանողներ՝ Մահել Ինայատ Մահապուլե, Սարաթ Փուլկուդիկադ Մանիկանդան և Տուբա Ասիֆուր Ռեհման Շաիխ; բուժական ֆակուլտետի 4-րդ կուրսի ուսանողներ՝ Ռոհինի Պրաբհակար Զադբուլե, Անիտտա Իգնատիուս, Կարվան Համզա Հասսան Հասսան, Շեբհա Անն Դանիել, Սոնու Թոմաս, Պուջա Պրակաշ Վադ, Աբդուլլահ Հուսսամ Զամել և Դիվյա Ռադիակրիշնա Փիլլաի; բուժական ֆակուլտետի 5-րդ կուրսի ուսանողներ՝ Ռաուեն Դշադ Նադիր Նադիր և Շեբա Մարի Ռոյմոն;*



ստոմատոլոգիական ֆակուլտետի 2-րդ կուրսի ուսանող՝ Սեյդեհի Ֆաթեմեհի ֆելդոլլահ Ջադեհ; ստոմատոլոգիական ֆակուլտետի 4-րդ կուրսի ուսանող՝ Ռագիթ Սիվանաթհան; ստոմատոլոգիական ֆակուլտետի 5-րդ կուրսի ուսանողներ՝ Սարմադ Տարիք Ջամալ Ալ-Բայաթի և Սանա Ֆարայդուն Կամալ Կամալ), ինչպես նաև ԱԲՀ ուսանողական գիտական ընկերության կողմից առավել աչքի ընկած ուսանողները (1. Զիյադ Տարիք Ջամալ Ալ-Բայաթի 2. Համա Շուան Իսմաել Քարիմ Քարիմ 3. Ռաուեն Դիշադ Նադիր Նադիր 4. Սոհամմեդ Աբդուլլահ Հասան Ալ-Ջուհաիրի 5. Լաչին Լավչակ Աբդուլքադիր Աբդուլքադիր 6. Շեքա Մարի Ռոյմոն 7. Սոուջանյա Մունիկա Ռաչարլա 8. Շադ Շվան Աբդալլա Աբդալլա 9. Բաքեր Աքիլ Քարիմ Ալ- Բադդադի):

ԱԲՀ 30-ամյակին նվիրված հոբելյանական միջոցառումների շրջանակում կայացավ «Բնագիտական առարկաների» ամբիոնի վարիչ, կ.գ.թ. Հայարվի Ջավրուշյանի «Կենսաքիմիայի լաբորատոր ձեռնարկի» շնորհանդեսը: Ուսումնամեթոդական ձեռնարկը նախատեսված է ԱԲՀ Բուժական և Ստոմատոլոգիական ֆակուլտետների օտարալեզու ուսանողների գործնական և լաբորատոր պարապմունքների իրականացման համար: Գրքի հեղինակը ձեռնարկներից մի քանիսը անձամբ նվիրեց դահլիճում գտնվող պատվավոր հյուրերին, ինչպես նաև ԱԲՀ-ի ռեկտոր Ն. Սարիբեկյանին:

Միջոցառումն էլ ավելի գունեղ դարձրին համալսարանի տարբեր ազգությունների ուսանողների ասմունքն ու մշակութային կատարումները: Հարկ է նշել, որ նման բնույթի միջոցառումները նպաստում են տարբեր ազգության ուսանողների համախմբմանը, բարեկամական և ընկերական հարաբերությունների խորացմանը:

Արտաքին կապերի բաժինը «Campus International» կազմակերպության և «Հնդիկ ուսանողների բարօրության ասոցիացիա»-ի հետ միասին ակտիվ գործունեությամբ զբաղվում էր միջոցառման կազմակերպչական մի շարք հարցերով՝ պատրաստելով նաև համալսարանի 30-ամյա գործունեությանը նվիրված տեսահոլովակ (<https://www.youtube.com/watch?v=n13QEJSi9Dg>):

Միջոցառումը նկարահանվում էր «Garos Graphic & Media» ֆոտոստուդիայի կողմից (կից ներկայացվում է կարճ տեսահոլովակը):

<https://www.youtube.com/watch?v=UGP6reILwos> (Մրձանագրություն N° 2):

**8.** Ավանդույթի համաձայն դեկտեմբերի 23-ին «Օպերա Սյուր հոթել» հյուրանոցի «Մոցարտ» սրահում տեղի ունեցավ ԱՓՇԱՏԿ-ի վերապատրաստման դասընթացը՝ «Օտարերկրյա որակավորումների ճանաչման արդի հիմնախնդիրները. ապագային ընդառաջ» խորագրով: Միջոցառմանը մասնակցում էին 23 բուհերի 38 ներկայացուցիչներ:

Դասընթացը նախատեսված էր ՀՀ բուհերի դեկավար կազմի, միջազգային բաժինների և ընդունելության հարցերով զբաղվող (admission officers) անձնակազմի համար: Դասընթացը անցկացվեց ինտերակտիվ եղանակով՝ տեսական և իրական օրինակների համակցությամբ:

Դասընթացը բաղկացած էր երկու մասից:

**Առաջին մասում** ներկայացվեց ճանաչման ռազմավարական նշանակությունը և կրթական համակարգերի բազմազանությունը, ճանաչման հիմնական սկզբունքները և

չափանիշները, ինչպես նաև իրական օրինակների հիման վրա խոսվեց օտարերկրյա կեղծ որակավորում ստանալու ամենատարածված ձևերի մասին:

**Դասընթացի երկրորդ մասը** անցկացվեց Միջազգային կրթության ամերիկյան խորհուրդներ կազմակերպության հետ համատեղ և ներկայացվեց ԱՄՆ բարձրագույն կրթության համակարգը և շնորհվող որակավորումները: Մանրամասն խոսվեց համայնքային քոլեջների համակարգի մասին (մանրամասները Արձանագրություն № 3-ում):

9. 2021 թվականի հունիսի 16-ին «Ավանդական բժշկության համալսարան»-ի, «Success Point» քոլեջի և «Campus International» ՄՊԸ-ի միջև կնքած եռակողմ պայմանագրի շրջանակներում 2022 թվականի փետրվարի 8-ին Ավանդական բժշկության համալսարանը հյուրընկալեց “Success Point” քոլեջի ներկայացուցիչներին, ինչպես նաև քոլեջի առաջին կուրսի ուսանողներին և մի քանի ծնողներին:

Համալսարանը վերոնշյալ քոլեջի հետ ունի համագործակցության պայմանագիր (արձանագրություն № 8, 16. 06. 2021), որի շրջանակում «Success point» քոլեջի առաջին կուրսն ավարտված ուսանողները կարող են ուսումը շարունակել ԱԲՀ-ում:

Այցի նպատակն էր ծանոթանալ համալսարանի հետ, նրա առաքելությանը, համալսարանի պայմաններին և կրթական միջավայրին:

Ուսանողներին ողջունեցին և իրենց հուզող հարցերին պատասխանեցին Ավանդական բժշկության համալսարանի ռեկտոր պարոն Նորիկ Սարիբեկյանը, Ուսումնական աշխատանքների գծով պրոռեկտոր Արսեն Մինասյանը, Որակի ապահովման և կրթական բարեփոխումների գծով պրոռեկտոր Արայիկ Գյոզայանը, դեկան Անահիտ Կարապետյանը, Արտաքին կապերի բաժնի վարիչ Անի Սարգսյանը և «Campus International» կազմակերպության տնօրեն Աշոկ Կարուվարաթոդին:

Հյուրերի հետ հանդիպմանը մասնակցում էին նաև ԱԲՀ-ում սովորող տարբեր ազգերի ուսանողներ, որոնք ավելի մանրամասն խոսեցին համալսարանի ուսումնական գործընթացի կազմակերպման, ուսանողական կյանքի, կրթական և սոցիալական կարիքների վերաբերող հարցերի շուրջ: Հանդիպումն անցավ շատ ջերմ մթնոլորտում:

“Success Point” քոլեջի ներկայացուցիչները առանձին հանդիպում ունեցան ԱԲՀ-ի ռեկտոր պարոն Նորիկ Սարիբեկյանի հետ, և հանդիպման ընթացքում քննարկվեցին մի շարք հեռանկարային հարցեր:

Վերջում հյուրերը ճանաչողական շրջայց կատարեցին համալսարանում, բարձր գնահատեցին ԱԲՀ-ի գործունեությունը, գոհունակություն հայտնեցին ճանաչողական այցի կապակցությամբ և դրական տպավորություններով հեռացան համալսարանից: Այցի շրջանակում այցելելու են նաև Հայաստանի տեսարժան վայրեր:

Կից ներկայացվում է “Success Point” քոլեջի ներկայացուցիչների, ուսանողների և մի քանի ծնողների համալսարանում և Հայաստանում կատարած շրջայցի տեսահոլովակների լինկերը՝

1. [https://www.youtube.com/watch?app=desktop&v=CSf-](https://www.youtube.com/watch?app=desktop&v=CSf-uTqQxZ4&fbclid=IwAR2z4wozTUcgr0VV4IdVzao0Zzh6L9L0mDmNTH9Q1UhuDkPKKbwwGn5JDU)

[uTqQxZ4&fbclid=IwAR2z4wozTUcgr0VV4IdVzao0Zzh6L9L0mDmNTH9Q1UhuDkPKKbwwGn5JDU](https://www.youtube.com/watch?app=desktop&v=CSf-uTqQxZ4&fbclid=IwAR2z4wozTUcgr0VV4IdVzao0Zzh6L9L0mDmNTH9Q1UhuDkPKKbwwGn5JDU)

2. [https://www.youtube.com/watch?app=desktop&v=VHbTT89aI\\_M&feature=youtu.be&fbclid=IwAR2NG3pbBQPTCMk5WMibbB7gVzQHjzYLv29Eh99q06JwX4TqAcTeXjVd3ZY](https://www.youtube.com/watch?app=desktop&v=VHbTT89aI_M&feature=youtu.be&fbclid=IwAR2NG3pbBQPTCMk5WMibbB7gVzQHjzYLv29Eh99q06JwX4TqAcTeXjVd3ZY)

(Արձանագրություն N° 4):

10. 2022 թվականի մայիսի 13-ին Վ. Բրյուսովի անվան պետական համալսարանում տեղի ունեցավ «Բուհ ընդունելության և որակավորումների ճանաչման վերաբերյալ հայ-նորվեգական համագործակցություն» (NACAR) ծրագրի ամփոփիչ համաժողովը (համաժողովի լեզուն անգլերենն է): Համաժողովին մասնակցում էր նաև Հայաստանի ազգային պոլիտեխնիկական համալսարանի Դրամաշնորհային ծրագրերի և ֆոնդահայթայթման բաժնի պետ Ա. Մամիկոնյանը:

NACAR ծրագրի նպատակն է Հայաստանում և Նորվեգիայում ակադեմիական ներուժի զարգացումը և երկու երկրների բուհերի միջև համագործակցության խթանումը՝ օտարերկրյա ուսանողների ընդունելության և ճանաչման ինստիտուցիոնալ թափանցիկ չափանիշների և ընթացակարգերի կիրառմամբ: Ծրագիրն ուղղված է որակավորումների ճանաչման ինստիտուցիոնալ ընթացակարգերի մշակմանը:

Համաժողովին մասնակցում էին ՀՀ բուհերի 40-ից ավել ներկայացուցիչներ, ինչպես նաև ՀՀ կրթության, գիտության, մշակույթի և սպորտի նախարարության աշխատակիցները (մանրամասները *Արձանագրություն N° 5*-ում):

11. 2022 թվականի հունիսի 16-ին Ավանդական բժշկության համալսարանը՝ հանձինս ԱԲՀ-ի ռեկտոր Նորիկ Սարիբեկյանի, ԱԲՀ-ի պրոռեկտոր Արայիկ Գյոզայանի և Արտաքին կապերի բաժնի ղեկավար Անի Սարգսյանի, հյուրընկալեց «Next Learning Center» (NLC) կազմակերպության ներկայացուցիչներ բժիշկ Աշիշ Կումարին և բժիշկ Արիզ Խոջային: Հանիդպումը կազմակերպել էր “Campus International” կազմակերպության ղեկավար Աշոկ Կարուվարաթոդը:

«Next Learning Center» կազմակերպության ղեկավար և ակադեմիական խորհրդական բժիշկ Աշիշ Կումարին հանդիպման սկզբում խոսեց FMGE նախապատրաստական դասընթացների դերի, կարևորության և առավելության մասին հնդիկ ուսանողների համար, ովքեր ուսումնասիրում են բժշկություն արտասահմանում: Նա նշեց, որ արտասահմանյան բուհերում ուսանած բոլոր հնդիկ ուսանողները պարտադիր պետք է մասնակցեն FMGE քննությանը, ինչն անհրաժեշտ է Հնդկաստանում բժշկական գործունեություն ծավալելու համար: Առանց անցնելու FMGE քննությունը հնդիկ ուսանողները, ըստ Հնդկաստանի կառավարության կողմից հաստատված կարգի, չեն կարող Հնդկաստանում աշխատեն որպես ընդհանուր բժիշկ:

Մի քանի կետեր քննարկելուց հետո կողմերը կնքեցին համագործակցության պայմանագիր:

Ըստ պայմանագրի Կենտրոնի կողմից առաջարկվող վերապատրաստման դասընթացների ընդհանուր տևողությունը կազմում է 3 (երեք) տարի (4-րդ, 5-րդ, 6-րդ կուրսեր), առցանց կամ առկա ուսուցման ռեժիմը կարող է հարմարեցվել ըստ անհրաժեշտության:

Առկա դասընթացների դեպքում Համալսարանը Կենտրոնին հատկացնում է տարածք իր մասնաշենքում վերապատրաստման դասընթացներն անցկացնելու համար «Ավանդական բժշկության համալսարան»-ի «Բուժական գործ» մասնագիտության չորրորդ, հինգերորդ և վեցերորդ կուրսերի ուսանողներին հետ: Դասընթացները պետք է իրականացվեն այնպես, որ չխոչընդոտեն Համալսարանի կողմից իրականացվող կրթական ծրագրերի պատշաճ իրականացմանը: Հնարավոր է ներառել 1-ին, 2-րդ և 3-րդ կուրսի ուսանողներին առցանց ուսուցման համար՝ հիմնվելով համալսարանի կամ ուսանողների կողմից ներկայացված պահանջների և խնդրանքի վրա:

Կենտրոնը պարտավորվում է ապահովել Համալսարանի կողմից տրամադրված տարածքի հսկում, անվտանգության ապահովում, ուսանողներին տրամադրել անհրաժեշտ ակադեմիական նյութեր, կարդալ և անցկացնել դասախոսություններ, կազմել համապատասխան ուսումնական տարվա դասընթացի ժամանակացույց (ինչպես առկա, այնպես էլ առցանց), ավարտելուց և քննությունը հանձնելուց հետո տալ ակադեմիական մրցանակներ և վկայականներ:

Համալսարանն էլ իր հերթին պարտավորվում է ապահովել դասասենյակ անհրաժեշտ հարմարություններով, խրախուսել ուսանողներին մասնակցել դասընթացին:

Պայմանագրի կարևորագույն կետերից մեկը այն է, որ Կենտրոնը պարտավորվում է յուրաքանչյուր ուսանողի հետ կնքել պայմանագիր՝ մատուցվող ծառայությունների և ուսումնառության որակի վերաբերյալ և Համալսարանը պատասխանատվություն չի կրում Կենտրոնի կողմից մատուցվող ուսումնառության ծառայությունների որակի վերաբերյալ:

Պայմանագիրը կազմված է հայերենով և անգլերենով, ուժի մեջ է մտնում կնքելու օրվանից՝ հինգ (5) տարի ժամկետով:

Սույն պայմանագիրը կնքվել է երեք օրինակից, որոնք ունեն հավասար իրավաբանական ուժ: Յուրաքանչյուր կողմին տրվել է Պայմանագրի մեկական օրինակ (Արձանագրություն N° 6):

12. 2022 թվականի հուլիսի 18-ին «Արմենիա» ռեստորանում տեղի ունեցավ Ավանդական բժշկության համալսարանի 2020-2021 ուս. տարվա «Բուժական» և «Ստոմատոլոգիական» ֆակուլտետների շրջանավարտների ավարտական վկայականների հանձնման հանդիսավոր արարողությունը, որին ներկա էին ԱԲՀ-ի վարչական և դասախոսական կազմը, ԱԲՀ-ի ուսանողները և շրջանավարտների ծնողներից մի քանիսը:

Շրջանավարտներին իր բարեմաղթանքները հղեց ԱԲՀ-ի դեկան Անահիտ Կարապետյանը՝ մեջբերելով, որ ԱԲՀ-ն շուրջ 30 տարվա իր գործունեության ընթացքում սովել է հրաշալի և բարձր որակավորմամբ մասնագետներ, ովքեր ծառայում ու ծառայելու են բժշկի վեհ առաքելությանը, և հիմա հերթը շրջանավարտներինն է, որ հարազատ կրթօջախում ստացած գիտելիքներն ու փորձը ծառայեցնեն հանրության առողջության վերագտման ու պահպանման անգնահատելի գործին՝ արդարացնելով համալսարանի հույսերը:

Դեկանը շնորհավորեց և շնորհակալություն հայտնեց նաև շրջանավարտների ծնողներին, ովքեր աջակցել են իրենց զավակներին կրթության հարցում՝ հանուն լավ ապագայի:

Ինչպես նաև վերջում դեկանը շրջանավարտներին մաղթեց բարի երթ ու կանաչ ճանապարհ՝ իրենց կարևոր ու անգնահատելի գործում:

Միջոցառմանը ելույթ ունեցավ նաև Արտաքին կապերի բաժնի ղեկավար Անի Սարգսյանը՝ ցանկանալով շրջանավարտներին հաստատակամություն, անկոտրում կամք, ինչպես նաև իր երախտագիտությունը հայտնեց շրջանավարտներին իրենց ջանքերի, քրտնաջան աշխատանքի և պատասխանատվության համար:

Վերջում շրջանավարտներին հանձնվեց ավարտական վկայականները և կտրվեց ավարտական միջոցառման համար նախատեսված տորթը: